

EPITAPHE

D'HENRY III. ROY

DE FRANCE ET DE

NAVARRÉ.

EN ceste urne est closè la cendre
 D'HENRY, la merueille des Roys,
 A qui l'Europe & les François,
 Ne peuuent assez d'honneur rendre.

AVTRE EPITAPHE

HENRY des Cefars l'outrepasse,
 A qui l'Alexandre eut ceddé,
 Par l'attentat & par l'audace
 D'un assassim est deceddé.
 Mais malgré la deconuenüë,
 Qui n'esteind ses faicts triomphans,
 Combien qu'il soit dessus la Nuë
 Il reuit en tous ses enfans.

AVTRE EPITHAPHE

TAillez le Iasse & le Porphire,
Et cizelez l'Or precieux,
Pour faire vn tombeau qu'on admire
Pour le Roy, dont l'ame est au Cieux:
Son corps qui pour sauuer la France
A tant endossé le harnois,
Merite pour sa recompense
Tout seul l'honneur de tous les Rois.

AVTRE EPITHAPHE.

NE cessez iamais vostre dueil,
Grauez Henry dās vos memoires
Pour luy faire vn riche cercueil (res,
Representez y ses victoires.

AVTRE EPITHAPHE

LE Pere & le Roy de la France
Fut tué proditoirement
Mais sa vaillance & sa clemence
Dureront eternellement.

Dup Not
catalogue

AVTRE EPITHAPHE.

Toutes les vertus font le dueil
D'HENRY l'honneur seul des hi-
L'univers luy sert de cercueil, (stoires
Et ses tiltres sont ses victoires.

AVEC PRIVILEGE
DV ROY.

ET DE MONSIEVR
le Lieutenant Civil.

